

Danmarkimi Kalaallit Nunaannilu neqeroorutini ulloq unnuarlu najugaqarallarneq pillugu nalunaarut

Inatsimmik nalunaarut nr. 170, 24. januar 2022-imeersoq malillugu oqartussat isumaginninnermi sullissinerat pillugu inatsimmi § 196, imm. 2-p aamma inatsimmik nalunaarut nr. 265, 25. februar 2022-imeersoq malillugu isumaginninnermut suliassaqarfimmi inatsisitigut isumannaatsuunissaq allaffisornerlu pillugu inatsimmi § 90, imm. 2-p malitsigisaannik, aamma Kalaallit Nunaanni Naalakkersuisut isumaqatigiinniarfigereerlugit, aalajangersarneqarpoq:

Immikkoortoq 1
Aalajangersakkat aallarnersaataasut

Kapitali 1
Atuuffia

§ 1. Nalunaarummi matumani immikkoortoq 2 aamma 4, ima pisoqartillugu atutissapput:

- 1) innuttaasumut, Kalaallit Nunaanni najugaqartutut nalunaarsorneqarsimasumut, Danmarkimi ulloq unnuarlu najugaqarallarnissamik neqerooruteqarnissamik Kalaallit Nunaanni kommunalbestyrelse aalajangiippat,
- 2) meeqqamik 18-it inorlugit ukiulimmik, Kalaallit Nunaanni najugaqartutut nalunaarsorneqarsimasumik, Danmarkimi neqeroorummi inissiinissamik Kalaallit Nunaanni kommunalbestyrelse aalajangiippat,
- 3) innuttaasumut, Danmarkimi najugaqartutut nalunaarsorneqarsimasumut, Kalaallit Nunaanni neqeroorummi ulloq unnuarlu najugaqarallarnissamik neqerooruteqarnissamik qallunaat communalbestyrelsiat aalajangiippat, imaluunniit
- 4) meeqqamik 18-it inorlugit ukiulimmik, Danmarkimi najugaqartutut nalunaarsorneqarsimasumik, Kalaallit Nunaanni neqeroorummi inissiinissamik qallunaat communalbestyrelsiat aalajangiippat.

Imm. 2. Meeqqamut 18-it inorlugit ukiulimmut angajoqqaatut oqartussaasoq, meeqqamut § 1, imm. 1-imi, nr. 2-imi imaluunniit 4-imi ilaatinneqartumik aalajangiisoqarsimatillugu, neqeroorutip meeqqap inissinneqarfigisimasaata inissisimaffigisaani, najugaqartutut nalunaarsorneqarpat, nalunaarummi matumani immikkoortoq 2-mik atuineq atorunnaassaaq. Meeqqap angajoqqaavi ataatsimoorussamik angajoqqaatut oqartussaassuseqarpata, angajoqqaatut oqartussaasuusoq, meeqqap inissinneqarnera sioqqullugu kingusinnerpaamik najugaqarfigisimasa, nunami neqeroorutip inissisimaffigisaani najugaqartutut nalunaarsorneqarpat, oqaaseqatigiit siullit atorneqassapput.

Imm. 3. § 1, nr. 2 malillugu meeqqamik inissiinissaq aalajangerneqarsimappat, aamma aalajangersakkami matumani imm. 1-imi pineqartutut angajoqqaatut oqartussaasoq Danmarkimi najugaqartutut nalunaarsorneqarpat, qallunaat kommuniali kommunalbestyrelsip, isumaginninnermi suliassaqarfimmi inatsisitigut isumannaatsuuneq allaffisornerlu pillugu inatsimmi § 9 a malillugu ikuuinissamik pisussaaffeqartup, inissiineq pillugu aalajangiinissaata tungaanut, meeqqap inissinneqarnissaa pillugu Kalaallit Nunaanni oqartussaasunit aalajangiinerit suli atorneqassapput.

§ 2. Innuttaasoq Kalaallit Nunaanni pinerluttulerinermi inatsimmi kapitali 33 malillugu pineqaatissinneqarsimappat, aamma tamanna tunngavigalugu Kalaallit Nunaanni pinerluttulerinermi inatsimmi § 240, imm. 2 malillugu Kalaallit Nunaanni isumaginnittooqarfimmit Danmarkimi neqeroorummi inissinneqarsimappat, nalunaarummi matumani immikkoortoq 3 aamma 4 atorneqassapput.

§ 3. Ilaqtariit, ataatsimik arlalinnilluunniit 18-it inorlugit ukiulinnik meerartallit imaluunniit angajoqqaanngortussat manna tikillugu Danmarkimi najugaqartutut nalunaarsorneqarsimasut, Kalaallit Nunaanni najugaqartutut nalunaarsorneqarpata, nalunaarummi matumani immikkoortoq 5 atorneqassaaq.

Immikkoortoq 2

Isumaginninnermi inatsisit malillugit ulloq unnuarlu najugaqarallarnerit inissiinerillu

Kapitali 2

Nassuaatit aamma ulloq unnuarlu najugaqarallarnernik imalunniit inissiernik pilersitsinerit

§ 4. Nalunaarummi matumani immikkoortoq 2-mi aamma 4-imi kommunitut aalajangiisuusutut paasineqassaaq kommune, § 5, imm. 1, imaluunniit § 6, imm. 1 malillugu innuttaasumut Danmarkimi Kalaallit Nunaanniluunniit neqeroorummi najugaqarallarnissamik neqeroorateqarnissamik aalajangiisuusoq, imaluunniit § 5, imm. 2 imaluunniit § 6, imm. 2 malillugu Danmarkimi Kalaallit Nunaanniluunniit meeqqamik 18-it inorlugit ukiulimmik inissiinissamik aalajangiisuusoq.

Imm. 2. Nalunaarummi matumani immikkoortoq 2-mi aamma 4-imi kommunitut tigusisutut paasineqassaaq kommune, kommunitut aalajangiisuusup Danmarkimi Kalaallit Nunaanniluunniit innuttaasumik § 7 malillugu neqeroorummi tigusinissamik isumaqatigiissusiorfigisimasa.

Aalajangiineq

§ 5. Innuttaasumut Kalaallit Nunaanni najugaqartutut nalunaarsorneqarsimasumut, Danmarkimi tulliuttuni najugaqarallarnissamik neqeroorateqarnissamik Kalaallit Nunaanni kommunalbestyrelse aalajangiisinnaavoq:

- 1) Oqartussaasut isumaginninnermi sullissinerat pillugu inatsimmi §§ 107 aamma 108 malillugit najugaqariaatsini.
- 2) Oqartussaasut isumaginninnermi sullissinerat pillugu inatsimmi § 192 malillugu paaqqutarisariaqartut angerlarsimaffianni.
- 3) Inissat nalinginnaasut il.il. pillugit inatsit malillugu utoqqaanerusunut nalinginnaasumik inissiani.
- 4) Nr. 1 aamma 2 malillugit inissianut najugaqariaatsinullu neqeroorutinut taarsiunneqarsinnaasunut aamma naligiissinneqarsinnaasunut.

Imm. 2. Meeqqamik 18-it inorlugit ukiulimmik, Kalaallit Nunaanni najugaqartutut nalunaarsorneqarsimasumik, oqartussaasut isumaginninnermi sullissinerat pillugu inatsimmi § 66 malillugu Danmarkimi inissiinissaq pillugu Kalaallit Nunaanni kommunalbestyrelse aalajangiisinnaavoq.

Imm. 3. Neqeroorutit suussusaannut pineqartunut imaluunniit Kalaallit Nunaanni inatsisit malillugit neqeroorutit suussusaasa assinginut najugaqarallartitsinissaq imaluunniit inissiinissaq pillugu aalajangiinissamut Kalaallit Nunaanni inatsisitigut piumasaqaatit

naammassineqarsimappata, Kalaallit Nunaanni kommunalbestyrelse taamaallaat imm. 1 aamma 2 malillugit aalajangiisinnavaoq. Aammattaaq neqeroorutit suussusaannut pineqartunut najugaqarallarnissamut imaluunniit inissiinissamut qallunaat inatsisaanni piumasaqaatit naammassineqarsimappata, Kalaallit Nunaanni kommunalbestyrelse taamaallaat imm. 1 aamma 2 malillugit aalajangiisinnavaoq. Kalaallit Nunaanni inatsisit malillugit aalajangiisoqassaaq. Taamaattoq pisartakkat qallunaat inatsisaat malillugit neqeroorutigineqanngitsut pillugit aalajangiisoqarsinnaanngilaq.

Imm. 5. Imm. 1, 2 aamma 4 malillugit aalajangiinerni, Kalaallit Nunaanni inatsisit qaqugukkulluunniit atuuttut malillugit, sorianik sularinnitarneq aamma naammagittaalliuuteqarsinnaaneq pillugit malittarisassat atorneqassapput.

§ 6. Innuttaasumut Danmarkimi najugaqartutut nalunaarsorneqarsimasumut, Kalaallit Nunaanni tulliuttuni najugaqarallarnissamik neqerooruteqarnissamik Danmarkimi kommunalbestyrelse aalajangiisinnavaoq:

- 1) Inuit innarluutillit tapersorsorneqarnissaannut Inatsisartut inatsisaat malillugu najugaqaqtigiffinni, najugaqarfinni illersugaasuni aamma ulloq unnuarlu neqeroorutini.
- 2) Utoqqarnik paaqqinniffit pillugit Inatsisartut peqqussutaa malillugu utoqqarnik paaqqinniffinni.

Imm. 2. Meeqqap 18-it inorlugit ukiullip, Danmarkimi najugaqartutut nalunaarsorneqarsimasup, Meeqqat tapersorsorneqarnissaannut Inatsisartut inatsisaat malillugu Kalaallit Nunaanni ilaqtariinni paarsisartuni imaluunniit ulloq unnuarlu paaqqinnittarfinni inissinneqarnissaa pillugu qallunaat kommunalbestyrelsiet imaluunniit meeqlanut- inuusuttunullu ataatsimiititaliaat aalajangiisinnavaoq.

Imm. 3. Neqeroorutit suussusaannut pineqartunut imaluunniit Danmarkimi inatsisit malillugit neqeroorutit suussusaasa assinginut najugaqarallartitsinissaq imaluunniit inissiinissaq pillugu aalajangiinissamut oqartussaasut isumaginninnermi sullissinerat pillugu inatsimmi piumasaqaatit naammassineqarpata, taamaallaat imm. 1 aamma 2 malillugit aalajangiisoqarsinnaavoq. Aammattaaq neqeroorutit suussusaannut pineqartunut najugaqarallarnissamut imaluunniit inissiinissamut Kalaallit Nunaanni inatsisini piumasaqaatit naammassineqarsimappata, taamaallaat imm. 1 aamma 2 malillugit aalajangiisoqarsinnaavoq.

Imm. 4. Imm. 1 imaluunniit 2 malillugu aalajangiinermut atatillugu, neqeroorummi sullissinerit suut innuttaasup tigusanerai pillugit, qallunaat kommunalbestyrelsiet aalajangiisinnavaoq. Aalajangiineq qallunaat inatsisaat malillugit aalajangerneqassaaq. Taamaattoq pisartakkat, Kalaallit Nunaanni inatsisit malillugit neqeroorutigineqanngitsut pillugit aalajangiisoqarsinnaanngilaq.

Imm. 5. Imm. 1, 2 aamma 4 malillugit aalajangiinerni, isumaginninnermik suliassaqarfimmie inatsisitigut isumannaatsuuneq allaffisornerlu pillugu inatsimmi sorianik sularinnitarneq aamma naammagittaalliuuteqarsinnaaneq pillugit malittarisassat atorneqassapput.

Isumaqtigipiissut

§ 7. Kommune aalajangiisuusoq, §§ 5 imaluunniit 6 malillugu aalajangiisimasoq, nunami allami innuttaasup neqeroorummi tiguneqarnissaa pillugu kommunimik tigusisussamik isumaqtigipiissusiissaq. Isumaqtigipiissut isumaqtigipiissutigineqarsimatinngagu neqeroorummi najugaqarneq aallartinneqarsinnaanngilaq.

Imm. 2. Imm. 1 malillugu isumaqtigipiissut paassisutissanik tulliuttunik imaqassaaq:

- 1) Neqeroorut innuttaasup najugaqarallarfissa.
- 2) Najugaqarallarnerup sivisussusissaa.
- 3) Kommunip aalajangiisuusup kommunillu tigusisup suleqtigiiinnissaanut piumasaqaatit.

- 4) § 8 malillugu iliuusissanut pilersaarut, matumani siunissami iliuusissanut pilersaarutip allanngortinneqarnissaanut sulisaatsinullu piumasaqaatit ilanngullugit.
- 5) § 9 malillugu kommunip tigusisup inummut sammititamik nakkutilliinera.
- 6) § 11 malillugu nalunaarusiat.
- 7) § 16 malillugu akiliineq, matumani piffissaq naatsorsuiffissaq pillugu isumaqatigiissut ilanngullugu.

Imm. 3. Kommune aalajangiisuusoq- aamma kommune tigusisoq § 8 malillugu iliuusissanut pilersaarut pillugu isumaqatigiissutigippassuk aatsaat, imm. 1 malillugu isumaqatigiissut isumaqatigiissutigineqarsinnaavoq. Pissutsit immikkut ittut piumasaqaatigippassuk, taamaattoq iliuusissanut pilersaarut pillugu isumaqatigiissusiortoqarsimannngikkaluartoq, najugaqarallarnissaq pillugu utaqqiisaagallartumik isumaqatigiissusiortoqarsinnaavoq.

Imm. 4. Innuttaasup najugaqarallarnissaq pillugu, neqeroorummut aalajangersimasumut, kommunimit, nunap ilaani oqartussaasunit imaluunniit namminersortumit ingerlanneqartumut, kommune tigusisoq isumaqatigiissusiusaaq.

Iliuusissanut pilersaarut

§ 8. Innuttaasup neqeroorummi suliniutit tigusassai pillugit iliuusissanut pilersaarusiortoqassaaq.

Imm. 2. Sullissinerit suut innuttaasup neqeroorummi tigusasanerai, iliuusissanut pilersaarummi takuneqarsinnaassapput.

Imm. 3. Iliuusissanut pilersaarummut missingiut kommunip aalajangiisuusup kommunimut tigusisussamut nassutiissavaa. Iliuusissanut pilersaarut kommune aalajangiisuusoq suleqatigalugu kommunip tigusisussap naammassillugu suliarissavaa. Iliuusissanut pilersaarut inaarutaasoq, kommunimi aalajangiisuusumi communalbestyrelsimit akuersissutigineqassaaq.

Kapitali 3

Neqeroorummi najugaqarallarnerup nalaani Nakkutilliineq

§ 9. Piffissami innuttaasup neqeroorummi najugaqarallalernerata aallartiffianiit, kommune tigusisoq inummut sammititamik nakkutilliinermik ingerlatsissaaq.

Imm. 2. Imm. 1 malillugu nakkutilliineq, nunami, kommunip tigusisup inissisimaffigisaani, inummut sammititamik nakkutilliineq pillugu malittarisassat malillugit ingerlanneqassaaq.

Nalunaarutiginninneq

§ 10. § 9 malillugu nakkutilliinerminut atatillugu imaluunniit allatut ililluni suliniut aallartinneqarsimasoq siunertaminik naammassinninngitsoq kommunip tigusisup paasiguniuk, imaluunniit tunngaviit allat tunngavigalugit suliniutip innuttaasup pisariaqartitaanik naammassinninissaa ilimaginegikkuniuk, kommunip tigusisup kommune aalajangiisuusoq nalunaarfigissavaa.

Nalunaarusiaq

§ 11. Minnerpaamik ukiumut ataasiarluni kommune tigusisoq innuttaasoq pillugu kommunimut aalajangiisuusumut nalunaarusiamik tunniussissaaq, taamaattoq imm. 2 takuuk.

Imm. 2. Meeqjanut 18-it inorlugit ukiulinnut, kommune tigusisoq ukioq affakkaarlugu nalunaarusiamik tunniussisassaaq.

Imm. 3. Imm. 1 imaluunniit 2 malillugu nalunaarusiaq innuttaasumut pissutsit pillugit paassisutissanik imaqassaaq, matumani pissutsit allanngorneri, sulinuitit sullissinerillu innutaasup tigusai, kiisalu kommunip tigusisup innutaasumut sammititamik nakkutilliinera ilanngullugit.

Imm. 4. § 7 malillugu nalunaarusiap imm. 1-imi aamma 2-mi taaneqartunit akulikinnerusumik pisarnissaa kommunip aalajangiisuusup- aamma tigusisup isumaqatigiissummi taasinnaavaat.

Pissaanermik atuineq il.il.

§ 12. Nunami kommunip tigusisup inissismaffisaani, inatsisini aalajangersakkat malillugit taamaallaat pissaanermik atuisoqarsinnaavoq imaluunniit allatigut akuluttoqarsinnaavoq.

Imm. 2. Pissaanermik atuineq pillugu inatsisini atorneqartussani kommunalbestyrelse pissaanermik atuinissaq pillugu aalajangiisinhaatitaanermik piginnaasaqarpat, kommunimi tigusisumi communalbestyrelse aalajangiinissamut piginnaatitaavoq, taamaattoq imm. 3 takuuk. Taamatut aalajangiineq pillugu kommune tigusisoq piaernerpaamik kommunimut aalajangiisuusumut ilisimatitsissaaq.

Imm. 3. Kommune aalajangiisuusoq aamma kommune tigusisoq, imm. 2-p tamakkiisumik ilaannakoortumilluunniit avaqqunneqarsinnaanera pillugu § 7 malillugu isumaqatigiissummi aalajangiisinhaapput.

Suliniummi allannguinerit

§ 13. Kommune tigusisoq isumaqatigiissusiorfigalugu kommunip aalajangiisup innutaasumut sulinuitit allanngortinneqarnissaat aalajangiiffigisinnaavaa. § 8 malillugu iliuusissanut pilersaarummut allannguutit naapertutinngippata, nutaamik iliuusissanut pilersaarusiortoqartinnagu allannguutit aallartinneqarsinnaanngillat.

Imm. 2. Imm. 1 malillugu aalajangiinerit, nunami kommunip aalajangiisuusup inissismaffisaani inatsisit malillugit aalajangiiffigineqassapput. Taamaattoq pisartakkat nunami kommunip tigusisup inissismaffisaani inatsisit malillugit neqeroorutigineqanngitsut pillugit aalajangiisoqarsinnaanngilaq.

Imm. 3. Kommunip tigusisup innutaasup neqeroorummi najugaqarallarnera pillugu kommune aalajangiisuusoq sinnerlugu kommunip tigusisup aalajangiisinhaanera, § 7 malillugu isumaqatigiissummi kommunip aalajangiisuusup kommunillu tigusisup aalajangersinnaavaat. Oqaaseqatigiit siullit malillugit aalajangiineq, nunami kommunip tigusisup inissismaffiani inatsisit malillugit aalajangerneqassaaq.

§ 14. Innutaasup isumannaatsuunissaanut peqqissuunissaanulluunniit pissutsinik aarlerinartoqarp, imaluunniit innutaasup maannakkorluinnaq tapersorsorneqarnissamik pisariaqartitsineranut pingaarutilimmik sunniuteqassappat, kommune tigusisoq utaqqiisaagallartumik innutaasumut sulinuitip allanngortinneqarnissaanik aalajangiisinhaavoq. Utaqqiisaagallartumik aalajangiineq taanna nunami kommunip tigusisup inissismaffiani inatsisit malillugit aalajangerneqassaaq.

Imm. 2. Kommunip aalajangiisuusup § 13 malillugu aalajangiisinhaanera siunertaralugu, kommunip tigusisup pisariaqanngitsumik kinguarsaanani kommune aalajangiisuusoq imm. 1 malillugu utaqqiisaagallartumik aalajangiineq pillugu nalunauteqarfigissavaa.

Imm. 3. Imm. 1 malillugu aalajangiineq, piffissamut kommunip aalajangiisuusup § 13 malillugu aalajangiinissaata tungaanut atuutissaaq, imaluunniit § 15 malillugu aalajangiinerup malitsigisaanik

piffissamat innuttaasup neqeroorummi najugaqarallarnerata atorunnaarsinneqarnissaata tungaanut atuutissalluni.

Imm. 4. Utaqqiisaagallartumik aalajangiinernik, imm. 1-imi aalajangersarneqarsimasunit annertunerusunik kommunip tigusisup aalajangiisinnanera § 7 malillugu isumaqatigiissummi kommunip aalajangiisuusup- aamma kommunip tigusisup aalajangersinnaavaat.

Unitsitsineq

§ 15. Innuttaasup neqeroorummi najugaqarallarnerata unitsinneqarnissaa kommunip aalajangiisuusup nunami inissimaffigisaani inatsisit malillugit kommunip aalajangiisuusup aalajangersinnaavaa. Aalajangiineq kommunimi tigusumi communalbestyrelsimit kommunip aalajangiisuusup pissutissaqanngitsumik uninnganani nalunaarutigissavaa. Nalunaarutiginnineq kommunimit tigusumit tiguneqartinnagu innuttaasup neqeroorummi najugaqarallarnera unitsinneqarsinnaanngilaq.

Imm. 2. Unitsitsinissaq pillugu kommune aalajangiisuusoq aamma kommune tigusisoq § 7 malillugu isumaqatigiissummi malittarisassanik ersarinnerusunik aalajangersaasinnaapput, matuman i sumut ilimasaarinissamut piffissaliussat ilanggullugit. Nunami kommunip aalajangiisuusup inissimaffigisaani ilimasaarisussaaneq pillugu aamma inatsisini malittarisassanik kinguartitsinermik kinguneqarsinnaasunik avaqqutsisunik, isumaqatigiissummi aalajangersakkanik aalajangersaasoqarsinnaanngilaq.

Kapitali 4

Akiliineq

§ 16. Innuttaasup neqeroorummi najugaqarallarnerani aningaasartuutit aamma innuttaasumut suliniuteqartoqarpat suliniutit kommunip tigusisup neqeroorummuit akilissavai.

Imm. 2. Innuttaasup neqeroorummi najugaqarallarneranut aningaasartuutit inaarutaasumik kommunip aalajangiisuusup akilissavai, aamma § 7 malillugu isumaqatigiissummut aamma § 8 malillugu iliuusissanut pilersaarummut naapertuuttunik innuttaasumut suliniuteqartoqarpat, suliniutit akilissallugit. Aningaasartuutit kommunimit tigusumit naatsorsorneqassapput akileqquneqassallutillu.

Imm. 3. Innuttaasup neqeroorummi najugaqarnera aamma innuttaasumut suliniuteqartoqarpat suliniutit, nunami kommunip tigusisup inissimaffigisaani inatsisini malittarisassat malillugit naatsorsorneqassapput.

Imm. 4. § 13, imm. 3 malillugu kommunip tigusisup aalajangiisimaneranut kommune aalajangiisuusoq suliniummut allangortinneqartumut akiliinissaminik pisussaaffeqarpoq.

Imm. 5. Suliniummut allangortinneqartumut, kommunip tigusisup § 14 malillugu utaqqiisaagallartumik aalajangiiffigisimasaanut, kommune aalajangiisuusoq akiliinissaminut pisussaaffeqarpoq.

§ 17. Oqartussat isumaginninnermi sullissinerat pillugu inatsimmi imaluunniit taassuma malitsigisaaniik malittarisassani atulersinneqartuni, pisassanik naalagaaffimmit utertitsinissaq pillugu aalajangersakkat, qallunaat kommuuniannut, innuttaasumik Kalaallit Nunaanni neqeroorummi inissiisimasumut, atorneqassapput. Isumaginninnermut suliassaqarfimmi inatsisitigut isumannaatsuunissaq allaffisornerlu pillugu inatsimmi § 85 malillugu naatsorsuutit saqqummiunneqarnissaannut kukkunersiorneqarnissaannullu pillugit malittarisassat, qallunaat aalajangiisuusutut kommuuniannit malinnejqarnissaat piumasaqaataavoq.

§ 18. Allaffissornermut aningaasartuutit kommunimit tigusisumit akilerneqassapput.

Kapitali 5

Angalanerit

§ 19. Kalaallit Nunaata Danmarkillu akornanni angalanerit pillugit kommune aalajangiisuuusoq aalajangiisassaaq, matumani najorteqarnissaq pillugu angalanerit aamma innuttaasumut angalernermi aningaasartuutit ilanngullugit.

Imm. 2. Nunami kommunip aalajangiisuuusup inissimaffigisaani inatsisit malillugit imm. 1 malillugu aalajangiinerit aalajangerneqartassapput.

Imm. 3. Imm. 1 malillugu angalanernut aningaasartuutit tamakkerlugit kommuni aalajangiisuuusup akilertassavai.

Immikkoortoq 3

Pinerlunnermut inatsisit atortinneqarnerannut tunngasumik eqqartuussineq tunngavigalugu inissiinerit

Kapitali 6

Nassuaanerit ilisimatitsinerillu

§ 20. Nalunaarummi matumani immikkoortoq 3-mi eqqartuussatut paasineqassaaq, inuk Kalaallit Nunaanni pinerluttulerinermi inatsimmi kapitali 33 malillugu pineqaatissinneqarluni eqqartuunneqartoq, aamma Kalaallit Nunaanni pinerluttulerinermi inatsimmi § 240, imm. 2 malillugu inissinneqarnera katsorsarneqarneralu isumaginnittoqarfimmit naammassineqartoq.

Imm. 2. Nalunaarummi matumani immikkoortoq 3-mi kommunitut angerlarsimaffigisatut paasineqassaaq, Kalaallit Nunaanni kommune, Kalaallit Nunaanni inatsisit malillugit eqqartuunneqarsimasumut ikuuttussatut tapersersuisussatullu pisussaaffeqartoq.

Imm. 3. Nalunaarummi matumani immikkoortoq 3-mi kommunitut tigusisutut paasineqassaaq, qallunaat kommuniat, neqeroorutip eqqartuunneqartup inissinneqarfiata inissimaffia.

§ 21. Neqeroorummi kommunimi tigusisumi inissimasumi eqqartuunneqartoq inissinneqarpat, Kalaallit Nunaanni isumaginninnermi aqutsisoqarfik kommunimut tigusisumut ilisimatitsissaq. Eqqartuunneqartup neqeroorummi inissinneqarnissaa sioqqullugu piaernerpaamik ilisimatitsineq piissaaq.

Kapitali 7

Isumaginninnermi inatsisit malillugit pisartagassat pillugit isumaqatigiissut

§ 22. Oqartussat isumaginninnermi sullissinerat pillugu inatsimmi § 108 malillugu eqqartuussap inissinneqarfiani neqeroorummi ulloq unnuarlu najugaqarallarnerup saniatigut eqqartuussaq isumaginninnermi inatsisit malillugit pisartagassanik pisariaqartitsippat, tamanna pillugu kommune angerlarsimaffiusoq kommunimut tigusisumut isumaqatigiissusiussaaq. Tamanna pillugu isumaqatigiissusiortoqartinnagu eqqartuussaq pisartakkanik tigusisinnaanngilaq.

Imm. 2. Neqeroorummi najugaqarallarnerup saniatigut pisartakkanik tigusinissaq pillugu aalajangiinerit Kalaallit Nunaanni inatsisit malillugit aalajangerneqassapput. Taamaattoq qallunaat inatsisaat malillugit pisartakkat neqeroorutigineqanngitsut pillugit aalajangiisoqarsinnaanngilaq.

Imm. 3. Imm. 1 malillugu isumaqatigiissut paasissutissat tulliuttut pillugit imaqassaaq:

- 1) Pisartakkat isumaqatigiissummi ilaatinneqartut.
- 2) Kommunip angerlarsimaffigisap kommunillu tigusisup akornanni suleqatigiinnissaanut piumasaqaatit.
- 3) § 28 malillugu akiliineq, matumani piffissaq naatsorsuiffissaq pillugu isumaqatigiissut ilanngullugu.

Imm. 4. Neqeroorutip eqqartuussamut pisartakkat tunniutissagai, kommunip tigusisup neqeroorummum eqqartuussap inissinneqarfianut isumaqatigiissuutigisinnaavai.

Kapitali 8

Neqeroorummi inissinneqarnerup nalaani

Nakkutilliineq

§ 23. Eqqartuussamut § 22 malillugu isumaqatigiissummi ilaatinneqartunik pisartakkanik tigusisartumut, kommune tigusisoq inummut sammititamik nakkutilliinermik ingerlatsissaq. Piffissami eqqartuussap pisartakkanik tigusineraniit nakkutilliineq ingerlanneqassaaq.

Imm. 2. Imm. 1 malillugu nakkutilliineq, inummut sammititamik nakkutilliineq pillugu oqartussat isumaginninnermi sullissinerat pillugu inatsimmi malittarisassat malillugit ingerlanneqassaaq, taamaattoq imaalillugu kommunimi tigusisumi communalbestyrelsip eqqartuunneqartumut neqeroorut pillugu aalajangiisimanissaanik piumasaqaat isiginiarneqassanani.

Nalunaarutiginninneq

§ 24. Pisartakkat aallartinneqarsimasut siunertaminik naammassinninngitsut, imaluunniit eqqartuussap pisariaqartitaanik naammassinnissinnaannginnerisa allatigut tunngavissaqarnera ilimagineqarpat, § 23 malillugu nakkutilliinermut atatillugu imaluunniit allatut kommune tigusisoq paasitinneqaruni, kommunip tigusisup kommune angerlarsimaffigisaq Kalaallit Nunaannilu isumaginninnermut aqutsisoqarfik nalunaarfigissavaa.

Pisartakkat allangortinneqarneri

§ 25. Eqqartuussap neqeroorummi pisartakkat tigusartagaasa allangortinneqarnissaat pillugit, kommune tigusisoq isumaqatigiissusiorfigalugu, kommune angerlarsimaffigisaq aalajangiisinnavaoq.

Imm. 2. Imm. 1 malillugu aalajangiinerit Kalaallit Nunaanni inatsisit malillugit aalajangerneqassapput. Taamaattoq pisartakkat, qallunaat inatsisaat malillugit neqeroorutigineqanngitsut pillugit aalajangiisoqarsinnaanngilaq.

Imm. 3. Pisartakkat pillugit kommune angerlarsimaffigisaq sinnerlugu kommune tigusisoq aalajangiisinnasoq, kommunip angerlarsimaffigisap kommunillu tigusisup § 22 malillugu isumaqatigiissumminni aalajangersinnaavaat. Oqaaseqatigiit siullit malillugit aalajangiinerit qallunaat inatsisaat malillugit aalajangerneqassapput, aamma isumaginninnermut suliassaqarfimmi inatsisitigut isumannaatsuunissaq allaffisornerlu pillugu inatsimmi sulianik suliarinninnermut naammagittaalliorsinnaanermullu malittarisassat atorneqassapput.

§ 26. Eqqartuussap isumannaatsuunissaanut peqqissuunissaanulluunniit pissutsinik aarlerinartoqarpal, imaluunniit eqqartuussap maannakkorluinnaq tapersorsorneqarnissamik pisariaqartitsineranut pingaarutilimmik sunniuteqassappat, kommune tigusisoq utaqqiisaagallartumik innuttaasumut pisartakkat pillugit, pisartakkallu allangortinneqarnissaannik aalajangiisinnavaoq. Utaqqiisaagallartumik aalajangiineq qallunaat inatsisaat malillugit aalajangerneqassaaq, aamma isumaginninnermut suliassaqarfimmi inatsisitigut isumannaatsuunissaq allaffisornerlu pillugu inatsimmi sulianik suliariinninnermut naammagittaalliorstinnaanermullu malittarisassat atorneqassapput.

Imm. 2. Kommunip angerlarsimaffigisap § 26 malillugu aalajangiisinnaanera siunertalarugu, kommunip tigusisup pisariaqanngitsumik kinguarsaanani kommune angerlarsimaffigisaq imm. 1 malillugu utaqqiisaagallartumik aalajangiineq pillugu nalunaaruteqarfigissavaa.

Imm. 3. Piffissami kommunip angerlarsimaffigisap § 25 malillugu aalajangiinerata, imaluunniit pineqaatissinneqarnerup atorunnaarsinnejarnissaa imaluunniit allangortinneqarnissaa pillugu eqqartuussiviup aalajangiinerata malitsigisaanik eqqartuussap neqeroorummi najugaqarallarnerata unitsinnejarnissaata tungaanut, imm. 1 malillugu utaqqiisaagallartumik aalajangiineq atutissaaq.

Imm. 4. Utaqqiisaagallartumik aalajangiinernik, imm. 1-imi aalajangersarneqarsimasunit annertunerusunik kommunip tigusisup aalajangiisinnaanera § 22 malillugu isumaqatigiisummi kommunip angerlarsimaffigisap- aamma kommunip tigusisup aalajangersinnaavaat.

Kapitali 9

Akiliineq

§ 27. Eqqartuussap pisartagaanut aningaasartuutit kommunip tigusisup akilissavai.

Imm. 2. Eqqartuussap pisartagaanut aningaasartuutit isumaqatigiisummi § 22-imut naapertuuttumik inaarutaasumik kommunimit angerlarsimaffigisamit akilerneqassapput. Aningaasartuutit kommunimit tigusisumit naatsorsorneqassapput akileqquneqassallutillu.

Imm. 3. Oqartussat isumaginninnermi sullissinerat pillugu inatsimmi malittarisassat aamma oqartussat isumaginninnermi sullissinerat pillugu inatsisaat malillugu pisartakkat neqeroorutillu ilaasa aningaasalersorneqarnissaat pillugit nalunaarummi kiisalu Pinerluttunik Isumaginnittut paaqqinniffiutaanni iniuusuttut najugaqarallartinneqarnerat pillugit akiliisarneq pillugu malittarisassat malillugit, eqqartuussap pisartagaanut aningaasartuutit akilerneqassapput.

Imm. 4. § 25, imm. 3 malillugu kommunip tigusisup pisartakkat aalajangiiffigisai pillugit, kommune angerlarsimaffigisaq akiliinissaminik pisussaatitaavoq.

Imm. 5. Pisartakkanut, kommunip tigusisup § 26 malillugu utaqqiisaagallartumik aalajangiiffigisimasaanut, kommune angerlarsimaffigisaq akiliinissaminut pisussaaffeqarpoq.

§ 28. Allaffisornermut aningaasartuutit kommunimit tigusisumit akilerneqassapput.

Immikkoortoq 4

Isumaqatigiinnginnerit aalajangiiffigineqarnerat

Kapitali 10

Naammagittaalliorneq pillugu aqutsisoqarfiup piginnaasaqarnera

§ 30. Kalaallit Nunaanni oqartussat qallunaat nunaannilu oqartussat nalunaarut manna malillugu pisussaaffiit pillugit isumaqtigiiinnginnerit Oqartussat isumaginninnermi sullissinerat pillugu inatsimmi § 196, imm. 3 malillugu Naammagittaalliorneq pillugu Aqutsisoqarfimmit aalajangerneqassapput.

Immikkoortoq 5

Nalunaarutiginnittussaatitaaneq

Kapitali 11

Nuuttoqartillugu nalunaarutiginnittussaatitaaneq

§ 30. Ilaqutariit meeqqamik ataatsimik arlalinnilluunniit 18-it inorlugit ukiulimmik meerartakkut Danmarkimiit Kalaallit Nunaannut nuuppata, aamma meeqqap immikkut pisariaqartitai eqqarsaatigalugit meeraq ataaseq arlallilluunniit tapersersorneqarnissamik pisariaqartitsisut, qallunaat kommuniat qimataq isumaqarpal, qallunaat kommuniat qimataq tamanna pillugu Kalaallit Nunaanni kommunimut nuuffigisamut nalunaarutiginnissaaq.

Imm. 2. Meeqqap inunngortussap, immikkut ittumik pisariaqartitsissaguni pisariaqartitsinissaata eqqarsaatigineqarnera pineqartillugu, imm. 1 taamatuttaaq angajoqqaanngortussanut atutissaaq.

Imm. 3. Imm. 1 aamma 2 malillugit nalunaarutiginninnermut atatillugu suliamut atortut pisariaqartinneqartut kommunip qimatap nassiuressavai, matumani naliliinerit attuumassuteqartut pillugit eqikkaanerit, suliami kommunip suliarisimasai ilanngullugit.

Immikkoortoq 6

Inaarutaasumik aalajangersakkat

Kapitali 8

Atuutilersitsinermut- ikaarsaariarnermullu aalajangersakkat

§ 31. Nalunaarut ulloq 1. maj 2023 atuutilissaaq.

Imm. 2. Danmarkimi aamma Kalaallit Nunaanni neqeroorutini ulloq unnuarlu najugaqarallarneq pillugu Nalunaarut nr. 647, 31. maj 2017-imeersoq atorunnaarsinnejassaaq.

§ 32. Piffissamiit nalunaarutip atuutilersinneqarneraniit qallunaat imaluunniit kalaallit kommunalbestyrelsiinit aalajangiernut nalunaarut atorneqassaaq.

Imm. 2. Eqqartuussanut nalunaarutip atuutilersinneqarnerata nalaani Danmarkimi neqeroorummi inissinneqarsimasunut nalunaarutip immikkoortoq 3-a atorneqassaaq. Eqqartuussanut taakkununnga, eqqartuussaq neqeroorummi najugaqarallarnerup saniatigut pisartakkanik pisariaqartitsisillugu, nalunaarutip atuutilernerata kingorna piaernerpaamik § 22 malillugu isumaqtigisusiorqarnissaa kommunip angerlarsimaffigisap akisussaaffigaa.

Isumaginninnermut-, Ineqarnermut- aama Utoqqarnut ministereqarfik, xx

Pernille Rosenkrantz-Theil

/ Anita Hørby